

按
粵
疏
稿

薦舉方面官員疏

題爲循例薦舉方面官員事臣奉

命按粵已越三年一切察吏安民惟司道諸臣是賴
茲當事竣例應薦舉除分巡惠潮道副使吳玄
三尺不私豪右一廉可對蒼穹惠洽威伸民懷
吏畏見經臣等另疏題

請酌議易地不敢槩敘外訪得布政司左布政使臧
爾勸一代清貞高品兩藩卓犖殊猷重鎮長城
明堂良棟右布政使堵維垣璞玉渾金蘊籍晴

霞朗日規恢映月疎梅交霜翠栢清軍驛傳嶺
南兵巡道右叅政兼僉事黃克謙介潔雪山冰
谷剗裁月斧雲斤濟世舟航撐時柱礎分巡嶺
西道右叅政兼僉事王永寧清心孤鶴凌霄強
力六鰲負海勳隆藩臬品重巖廊提督糧儲副
使兼叅議潘潤民標格孤峰挿漢經綸萬斛流
泉許國真心濟時妙手分守嶺東道副使兼叅
議沈麟祥襟度雍容博大才華練達精詳憲紀
嚴明仁風和煦分巡海南道兼提督學校副使

戴縉百尺澄潭沁骨一天甘雨隨車海甸清寧
岐夷駢喙分巡南韶道副使閔宗德挺特參天
喬木晶瑩出海明珠沆瀣貞操琳瑯粹品分守
海北南道副使兼叅議楊瑩鍾重器商彝周鼎
姱脩玉尺冰壺經緯長才旬宣偉望巡視海道
副使羅之鼎肝膽玲瓏才情蔚贍壯志綢繆桑
土訐謏鞏固金湯分巡海北道副使李守俊清
操茹檠飲冰偉幹肩鴻任鉅專城舊望秉憲新
猷羅定兵備道副使曹志遇孤高岳聳千尋揮

霍風生八面恩威並著綱紀畢張鹽屯道右參
議兼僉事張邦翼潤粹寒蟬吸露高華彩鳳翔
雲澤溉士民功崇嶺海分守嶺西道右參議江
瀨學窺天祿石渠品重祥麟瑞鳳响嶙節集貞
肅風裁提督學校僉事楊瞿峽淵詣接窮玄秘
天葩濬發靈心植表風清提衡月朗以上諸臣
皆方面之良所當薦揚以備擢用者內臧爾勸
文武壯猷聲聞赫奕已推寧夏巡撫尚在候
旨堵維垣歷任已及十月見今兼攝糧儲及嶺南守

道事務極爲勤勞李守俊曹志遇歷任雖淺皆轉自臣屬例得併薦張邦翼兩任粵中猷爲懋著而鹽法一事清理商蠹增舉餉額大於

國課有裨曾經部覆與布政使臧爾勸並行紀錄至其冰霜獨凜茹吐兩忘壹票自然毫無勉強似當破格超擢以收豪傑之用者也再照有舉有刺者報

命之常但粵中司道本來寥寥而臣入境以後論劾二員合之

大計掛議者已四員矣見在諸臣皆才品卓越表表一時無可按索者臣固不敢雷同以襲

明威亦何敢毛舉以傷公道哉伏乞

勅下吏部再加查訪如果臣言不謬將臧爾勸亟

賜點用堵維垣等循資遷擢庶監司益知所勸而選

方之表率有攸賴矣緣係循例薦舉方面官員

事理爲此具本專差承差郭民欽親齎謹題請

旨奉

聖旨

舉劾有司官員疏

題爲循例舉劾有司官員事臣奉

命按粵已越三載茲當事竣所屬有司官員例應舉
劾除已經留部行取者臣已註考在先不敢贅
陳又如廣州府知府林紹明品格重如山岳經
綸沛若江河高州府知府王家賓鎮定驚波砥
柱孤高絕巘飛霞惠州府知府龍國祿朗識立
窮輟轆清襟盡謝塵氛廉州府知府馮盛典朴
直力崇古道端方耻逐時趨雷州府知府涂雲

鴈安和雅協民心廉靜丕端師表廣州府推官
董志稷明月光涵玉鏡綠波匝吐芙蓉韶州府
推官李明良德器良金在冶才華利刃發硎增
城縣知縣陳士章品是雲中白鶴操同松下清
風香山縣知縣王如春才奮五花朱汗氣凌千
仞紫氛或俸期未及或歷任方新肇慶府陞五
品服俸管通判事許學賢慷慨不辭艱鉅廉明
直徹始終甫經會薦陞俸管事俱不敢槃敘外
訪得潮州府知府陸典學探濂洛根宗政步龔

黃條理風清一路雨覆十城肇慶府知府陳謨
淡泊寧靜居心公明廉威泣政循良異品經濟
名流南雄府知府孫克恕粹蘊含珠清操挺栢
燭照商民戴日絃更僚屬從風瓊州府知府歐
陽璨帥吏節甘嘗膽撫民念切察眉福被一方
歡騰千里韶州府知府晏攄忠品重荆璆才馳
周駿半刺一錢留愛專城五袴興歌潮州府同
知朱家民勁節孟澄一水雄才手運雙鋒力殫
勁勲功高保障高州府同知陳所立正氣霜凝

龍劒訐謨海靖鯨波致遠襟期凌空宇量肇慶
府同知黃一中貞同介石鍊擬精金分猷念徹
兵民攝篆姦釐狐鼠廣州府同知林有樑裋躬
冷映澄潭敷政溫同暘谷弛張協度批導成風
瓊州府同知李鳴陽清畏人知政求民瘼署邑
兇爰無窟詰戎魚麗橫舟南雄府推官張嵩捧
璧真心絕塵姦節讞獄網開三面題材鑑徹九
流肇慶府推官宋萬畧品題明照肺肝師聽仁
流金矢操嚴白璧民頌青天潮州府推官沈祖

述一念不爲不忍三章惟恕惟明勵俗冰操程
材月鑑羅定州知州馬夢其鵠立丰儀鸞和節
度布澤家嘔暖律除姦手握神阿欽州知州馬
中超峙玉爲姿燃犀作照植節庭惟止水運籌
海不揚波萬州知州林廷蘭器同璞潤才若飈
飛祥刑頌滿端州牧愛聲馳遐壤南海縣知縣
朱欽相品賦三秋皎月澤瀉兩地甘霖南國循
聲西京卓軌番禺縣知縣王三重標格瑤林瓊
樹操修琨玉秋霜仁洽騶虞名高瑞鳳東莞縣

知縣周昌晉介節孤巒翠嶺宏襟萬頃汪洋天
駟真才人龍卓品順德縣知縣施樑勁幹亭亭
松栢清芬冉冉芝蘭三窟姦消千圻澤滿曲江
縣知縣向于宸仙標列宿生輝循政窮簷仰德
塵凝范甌露種潘花海陽縣知縣沈鳳超豈弟
陽回淑氣晶瑩露濯清暉杞梓長才珪璋粹晶
海康縣知縣郭之蒙膏流萬壑雨聲守肅千崖
秋氣郢斤竝利漢治齊芳新會縣知縣曾熙丙
齒雪澄襟摩雲健翮游丹恢恢鷄割懸蒲井井

鮮烹英德縣知縣丁仕明丹誠保赤白意對蒼
一輪皓月孤懸萬井和風共戴陽春縣知縣錢
兆元浸肌石窟清泉滿志旱郊時雨芒寒姦宄
惠洽蒸黎廣寧縣知縣趙廷忠庖刀百卻皆虛
錦製七襄竝爛慮周曠溢澤起瘡夷陽江縣知
縣管學經理煩力解琴絲拯溺惠流隣壤一庭
磬苦兩邑棠甘信宜縣知縣廖穀片衷勤注民
晷四載堅持屋漏才誠竝美威惠兼流清遠縣
知縣史延昇雅韻冲恬靈心炯照晝靜四郊鷄

犬春回萬戶牛羊三水縣知縣何夢駿志趣高
明才情果毅疲邑寸心獨嘔衝途百苦備嘗程
鄉縣知縣林欲栒月湛英標淵涵偉抱敏捷驥
馳千里孤貞鶴唳九霄歸善縣知縣陳輔堯氣
度昂藏才猷宏贍約已風生衿袖恤民春藹節
簷乳源縣知縣殷時中操心千尺寒冰任事一
腔熱血溺饑由已好惡同民興寧縣知縣黃若
雲偉度超羣清修邁俗濯濯芸苗去莠孳孳求
牧與芻四會縣知縣謝子詔器識端凝操持謹

廩還定恩流澤堵隄防功奠新畬以上諸臣皆
一時有司之良所當薦揚以備擢用行取之選
者也內晏撫忠歷俸雖淺轉自臣屬例得並薦
至若廣州府知府林紹明清操淑品實政端模
會城極冗極難而處之以整以暇蓋郡守中最
難得者臣久駐五羊見其賢勞異常亟欲登之
正薦而俸止八月不免爲例所束此固他日卓
異之選也又訪得瓊州府推官傅作霖體貌頗
揚而心術偏用于險刻才情亦敏而志趣却墮

于卑污以加銜守備胡來賓爲牙爪無官不受
其搏攫以書手吳善阜壯李鸞等爲腹心無處
不恣其股削查盤所以釐姦姦也而未至有索盤
庫閱城有索以至起身回府又有索計每州縣
所得不止百金矣而何以責人之清點軍所以
刷弊也而每所有例每把總水寨有例以至各
黎營亦有例計各武弁所費各數十金矣而何
以繩彼之濁司獄伍常孜之管捕以金十五兩
也教官劉士英之署印以銀二百兩也利在則